



ՀԱՂՈՐԴԱԳՐՈՒԹՅՈՒՆ

Սույն թվականի Սեպտեմբերի 27-ին, կիրակի օրը, Ամենայն Հայոց Կաթողիկոս Ս. Ս. Վազգեն Ա Վեհափառ Հայրապետը Էջմիածնի Մայր Տաճարում, խարտավիլակությամբ Մայր Աթոռի դիվանապետ Ս. Ներսես արքեպիսկոպոս Պողապալյանի և ընթերակայությամբ Երուսաղեմի Հայոց Պատրիարք Ամենապատիվ Ս. Թորգոմ արքեպիսկոպոսի ու Միացյալ Նահանգների Հայոց արևելյան թեմի առաջնորդ Ս. Խաժակ եպիսկոպոս Պարսամյանի, սրբալույս մյուռոնի օծմամբ եպիսկոպոս ձեռնադրեց չորս վարդապետների՝ համաձայն կարգաց և կանոնաց Հայաստանյայց Առաքելական սուրբ Եկեղեցու:

Ձեռնադրված հոգևորականներն են՝

1. Ս. Հուսիկ եպիսկոպոս Պաղտասյան՝ ձեռնադրված Երուսաղեմի հայոց Սուրբ Աթոռի վրա՝ համաձայն Սրբոց Հակոբյանց միաբանության ընդհանուր ժողովի որոշման, ծնյալ 1936թ. ԱՄՆ-ում:

2. Ս. Տարոն եպիսկոպոս Ճերեճյան՝ ձեռնադրված Հարավային Ֆրանսիայի հայոց իբրև առաջնորդ և փոխանորդ Արևմտյան Եվրոպայի Հայրապետական պատվիրակի, ծնյալ 1937 թ. Բելյուրթ քաղաքում:

3. Ս. Գարեգին եպիսկոպոս Պեքճյան՝ ձեռնադրված Գերմանիայի հայոց թեմի վրա իբրև թեմակալ առաջնորդ, ծնյալ 1942 թ. Իսթամբուլ քաղաքում:

4. Ս. Վիգեն եպիսկոպոս Այքազյան՝ ձեռնադրված Շվեյցարիայի հայոց թեմի վրա իբրև թեմակալ առաջնորդ, ծնյալ 1952 թ. Սդերթում (Թուրքիա):

Պատշաճ հանդիսավորությամբ տեղի ունեցած սրբազան արարողություններին ներկա էին ուխտավորաբար Մայր Աթոռ ժամանած Հայ Առաքելական Եկեղեցու թեմակալ առաջնորդներ, Գերագույն Հոգևոր Խորհրդի անդամներ, հայրենի արվեստագետներ, սփյուռքահայ ուխտավորներ և հավատացյալ ժողովրդյան հոծ բազմություն:

Նորապսակ եպիսկոպոսները իրենց ուխտի պատարագը մատուցեցին Սեպտեմբերի 28-ին, 29-ին և Հոկտեմբերի 4-ին Մայր Տաճարում, Երևանի Ս. Սարգիս և Ստեփանավանի Ս. Աստվածածին եկեղեցիներում:

«Լցո՛՛ Տէր զսոսա հոգւովդ Քոյ սրբով, զօրացո՛՛ և յաջողեա՛՛ սոցա օգնականութեամբ Քոյ յամենայն գործս բարիս».

35-32



ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԸ ԵՎ ԵՐՈՒՍԱՂԵՄԻ ԱՄԵՆԱՊԱՏԻՎ Տ. ԹՈՐԳՈՄ
ՊԱՏՐԻԱՐԺԸ՝ ՇՐՋԱՊԱՏԱՏՎԱԾ ՍՐԲԱԶԱՆ ՀԱՅՐԵՐՈՎ ԵՎ ՆՈՐԱԾԾ ԵՊԻՍԿՈՊՈՍՆԵՐՈՎ
(29 սեպտեմբերի 1992 թ.)